



262

МОНГОЛ УЛСЫН  
ЭРҮҮЛ МЭНДИЙН САЙДЫН ТУШААЛ

2013 оны 05 сарын 13 өдөр

Дугаар 176

Улаанбаатар хот

Эрүүл мэндийн технологийн нэгдсэн  
бодлого батлах тухай

Монгол улсын Засгийн газры тухай хуулийн 24.1.1 дэх заалт, Монгол Улсын Засгийн газрын 2012-2016 онд хэрэгжүүлэх “Эрүүл чийрэг Монгол хүн” хөтөлбөрийн биелэлтийг хангах зорилгоор ТУШААХ НЬ:

1. Эрүүл мэндийн технологийн нэгдсэн бодлогыг хавсралтаар баталсугай.
2. Эрүүл мэндийн технологийн нэгдсэн бодлогыг хэрэгжүүлэхэд шаардагдах санхүүжилтийг Монгол Улсын эдийн засаг, нийгмийг хөгжүүлэх Үндсэн чиглэлд жил бүр тусгахыг Бодлого төлөвлөлтийн газар (Ц.Цолモンгэрэл)-т, жил бүрийн улсын төсөвт тусган шийдвэрлэхийг Санхүү, эдийн засгийн хэлтэс (Д.Дамдиндорж)-т үүрэг болгосугай.
3. Бодлогын хэрэгжилтийг нэгдсэн удирдлага, зохицуулалтаар хангаж ажиллахыг Бодлогын хэрэгжилтийг зохицуулах газар (Д.Мөнхбат), хэрэгжилтийн явцад хяналт тавихыг Мэдээлэл, хяналт-шинжилгээ, дотоод аудитын газар (С.Төгсдэлгэр) -т тус тус үүрэг болгосугай.



002138

Эрүүл мэндийн сайдын 2013 оны 05 сарын  
13.. өдрийн 176 тушаалын хавсралт

203

## ЭРҮҮЛ МЭНДИЙН ТЕХНОЛОГИЙН НЭГДСЭН БОДЛОГО

### Нэг. Нийтлэг үндэслэл

1. Эрүүл мэндийн технологийн бодлого нь эмнэлгийн шатлал ба тусlamж үйлчилгээний онцлогт тохирсон, эрүүл мэндийн болон эдийн засгийн үр ашигтай, чанартай, хүртээмжтэй эрүүл мэндийн цогц технологийг хөгжүүлэх таатай нөхцөлийг бүрдүүлэхэд оршино.
2. Эрүүл мэндийн технологийг нэвтрүүлэх, ашиглах, үнэлэх, шинэчлэх, устгах, тогтолцоог бүрдүүлнэ.
3. Эрүүл мэндийн технологийн мэдээний сан, алсын зайн оношилгоо, эмчилгээний тогтолцоог бий болгоно.
4. Эрүүл мэндийн болон эдийн засгийн хувьд үр ашигтай, эрүүл мэндийн хэрэгцээнд тулгуурласан технологийг нэвтрүүлнэ.
5. Шийдвэр гаргагч болон эрүүл мэндийн шатлал бүрд ажиллаж байгаа эмч, мэргэжилтэнд эрүүл мэндийн технологийн асуудлаар мэдээлэл, сургалт, сурталчилгаа хийх ажлыг өргөжүүлнэ.
6. Эрүүл мэндийн тусlamж үйлчилгээнд "Зайлшгүй шаардлагатай эрүүл мэндийн технологийн багц"-ийг боловсруулж, нэвтрүүлнэ.
7. Эрүүл мэндийн тусlamж, үйлчилгээнд зайлшгүй шаардлагатай стандарт, удирдамж, эмнэлзүйн хөтөч, хяналтын хуудсыг шинэчлэн боловсруулж, мөрдүүлнэ.
8. Эмийн хангамж, үйлдвэрлэлийн технологийн бодлогыг эмийн талаар төрөөс баримтлах бодлогоор зохицуулна.
9. Энэхүү бодлого нь 2013-2023 онд эрүүл мэндийн технологийн хөгжлийн чиглэл болон эрүүл мэндийн тусlamж үйлчилгээний хөгжлийн түвшинг тодорхойлох үндсэн баримт болно.

### Хоёр. Бүтэц, зохион байгуулалт

1. Эрүүл мэндийн технологийг нэвтрүүлэх, хэрэгжүүлэх тогтвортой, тохиромжтой бүтэц, зохион байгуулалтыг эрүүл мэндийн бүх шатлалд бий болгоно.
2. Бүтэц, зохион байгуулалт нь эрүүл мэндийн тусlamж үйлчилгээний чанар, эдийн засгийн уялдаа холбоог сайжруулах, хязгаарлагдмал эрүүл мэндийн технологийн нөөцийн зохистой хуваарилалт, тэгш хүртээмжийг хангах, эрүүл мэндийн үзүүлэлтийг дээшлүүлэхэд чиглэгдсэн байна.
3. Эрүүл мэндийн технологийг дараах чиглэлээр түлхүү хөгжүүлнэ.

2ay

- Орчин үеийн анагаах ухаанд шийдэхэд төвөгтэй байгаа зарим өвчнийг оношлох, эмчлэх дэвшилтэй технологи, тоног төхөөрөмж, арга, аргачлалыг үе шаттай нэвтрүүлэх
  - Эмнэлгийн хэрэгслийн үйлдвэр байгуулах
  - Оношилгооны төв, лавлагаа лаборатори байгуулах
  - Эмнэлгийн тоног төхөөрөмжийн ариутгал, засвар үйлчилгээ, шалгалт тохируулгын төв байгуулах
4. Эрүүл мэндийн технологийн эрэлт хэрэгцээг үнэлэх, технологийг сонгох, нэвтрүүлэх, ашиглах, актлах, устгах, шинэчлэх үйл ажиллагааг зохицуулах хууль, эрх зүйн орчин бүрдүүлнэ.
  5. Эрүүл мэндийн технологийн эрсдэл, аюулгүй байдлыг хангах эрх зүйн орчинг бий болгоно.

#### **Гурав. Эрүүл мэндийн технологийн үнэлгээ**

1. Нөөц бололцоо, саад бэрхшээл болон технологийн өөрчлөлттэй холбоотой асуудалд үндэслэсэн оновчтой, тохиромжтой стратегийн төлөвлөлт, эрүүл мэндийн технологийн үнэлгээ, тэдгээрийн удирдлага зохион байгуулалтыг дэмжинэ.
2. Эрүүл мэндийн технологийг шинээр нэвтрүүлэх, нутагшуулах, түгээх ба хэрэгжүүлэхэд урьдчилан тогтоосон эрэлт, хэрэгцээнд тулгуурлана.
3. Эрэлт хэрэгцээ болон нөөцтэй уялдуулж тогтоосон шалгуур үзүүлэлтийг ашиглан шийдвэр гаргана.
4. Технологийн үнэлгээг дараах чиглэлээр хөгжүүлнэ.
  - эрүүл мэндийн технологийн чиг хандлагын үнэлгээ
  - технологийн хэрэгцээний үнэлгээ
  - шинээр нэвтрүүлж байгаа технологийн явцын үнэлгээ
  - эрүүл мэндийн үзүүлэлтэд нөлөөлөх байдлын үнэлгээ
  - эрүүл мэндийн тусламж үйлчилгээний гүйцэтгэлийн үр нөлөөний үнэлгээ
  - технологийн сөрөг нөлөөллийн үнэлгээ
  - эрүүл мэндийн болон эдийн засгийн ач холбогдлын үнэлгээ
  - тоног, төхөөрөмжийн технологийн үнэлгээ

#### **Дөрөв. Эрүүл мэндийн технологийн сонголт**

1. Зөв зохистой, хамгийн үр дүнтэй эрүүл мэндийн технологийн захиалга, сонголт, худалдан авалт хийх тогтолцоог бүрдүүлнэ.
2. Технологи бүрт тохирсон өртөг зардал, хүний нөөц, дэд бүтэц, зохион байгуулалтын чадавхи зэргийг тооцоолно.
3. Эрүүл мэндийн технологийг ашиглахад стандартчилал, удирдамж, хэрэгжилтийн зохицуулалтыг бүх түвшинд мөрдөнө.
4. Эрүүл мэндийн технологийн төлөвлөгөөт болон явцын үнэлгээний удирдамж боловсруулж хэрэгжүүлнэ.

5. Эрүүл мэндийн шинэ технологийг нэвтрүүлэх, хэрэгжүүлэх, ашиглахад олон улсын байгууллагын стандарт, удирдамж, гарын авлага, зааварчилгааг баримталж болно.
6. Эрүүл мэндийн зайлшгүй шаардлагатай технологийн багцад орсон технологи, тоног төхөөрөмжийг нэн тэргүүнд нэвтрүүлэх дэмжлэгт орчин бүрдүүлнэ.

#### Тав. Эрүүл мэндийн технологийн ашиглалт

1. Эрүүл мэндийн технологийн үр нөлөө, түүний ашиглалтыг дээд түвшинд хүргэхэд чиглэгдэнэ.
2. Эрүүл мэндийн салбарт чанарын хяналт, баталгаажуулалтыг нэвтрүүлэх замаар өвчтөн хамгийн сайн тусламж, үйлчилгээ авах бололцоог хангана.
3. Найдвартай, зөв зохистой, тохиромжтой технологийн хэрэглээг технологи хэрэглэгч нарыг чадавхижуулах, технологийг дэмжих замаар эрүүл мэндийн тусламж, үйлчилгээний бүх шатлалд нутагшуулна.
4. Эрүүл мэндийн технологид хэрэглэж байгаа эмнэлгийн тоног төхөөрөмжийн урсгал ба төлөвлөгөөт засвар үйлчилгээг зохицуулах, хэрэгжүүлэх арга хэмжээг дэмжинэ.
5. Мэдээллийн программ хангамжид түшиглэж эрүүл мэндийн салбарт үндэсний хэмжээний хөрөнгийн бүртгэлийн тогтолцоог бий болгоно.
6. Эмнэлгийн тоног төхөөрөмжийн чанарын магадлан итгэмжлэл болон хэмжилзүйн нэгдмэл байдлыг хангаж, түүнд чиглэгдсэн арга хэмжээг хэрэгжүүлнэ.
7. Эрүүл мэндийн салбарт тохиромжтой, зохистой хөрөнгийн төлөвлөлт, хуваарилалтын удирдлага зохион байгуулалтыг хөгжүүлнэ.
8. Олон улсад өргөн ашигладаг ангилал, зэрэглэлийг мөрдлөг болгон эмнэлгийн багаж, тоног төхөөрөмжийн нэршил, ангиллыг үндэсний хэмжээнд нэвтрүүлнэ.

#### Зургаа. Хүний нөөц

1. Үндэсний хөгжлийн цогц бодлого, төрөөс эрүүл мэнд, боловсролын талаар баримтлах бодлого, эрүүл мэндийн салбарын хүний нөөцийг хөгжүүлэх бодлогын хүрээнд эрүүл мэндийн технологийн чиглэлээр хүний нөөц бэлтгэх, мэргэшүүлэх, давтан сургах тогтолцоог бэхжүүлж, олон улсын жишигт нийцүүлнэ.
2. Эрүүл мэндийн технологийн чиглэлээр ажиллах мэргэжилтэн, ажилтны хэрэгцээг тодорхойлж, эрүүл мэндийн байгууллагын түвшинд оновчтой төлөвлөлт хийх, байршуулах, тогтвортой суурьшилтай ажиллуулах нөхцлийг бүрдүүлнэ.
3. Дэвшилтэт технологит нийцэх мэргэжилтэн, ажилтанг багаад болон дотоодод бэлтгэх, мэргэшүүлэх, өндөр технологи бүхий орноос мэргэжилтэн урьж ажиллуулах, мэргэжилтэнг сургахад дэмжлэг авах, туршлага судлуулах, зайн сургалт зохион байгуулах олон талт хамтын ажиллагааг дэмжинэ.
4. Орчин үеийн дэвшилтэт технологийг нэвтрүүлэх, нутагшуулахад эрүүл мэндийн нийт ажилтны оролцоог хангана.
5. Эмнэлгийн техникийн чиглэлээр мэргэжилтэн бэлтгэх техникийн сургуультай хамтран ажиллаж, сургалтын хөтөлбөрийн шинэчлэлтийг дэмжинэ.

6. Бүх шатлалд ажиллаж байгаа улс төрч, бодлого боловсруулагч, бодлого төлөвлөлтийн ажилтан, удирдах ажилтан, ажилчдад эрүүл мэндийн технологийн чиглэлээр ухуулга нөлөөллийн ажлыг эрчимжүүлнэ.

### **Долоо. Санхүүжилт, хөрөнгө оруулалт**

1. Эрүүл мэндийн технологид шаардагдах хөрөнгө оруулалтын хэрэгцээг нотолгоонд тулгуурлан тогтооно.
2. Олон улсын жишигт нийцсэн хөрөнгө оруулалтын төлөвлөлт, нөөцийн зөв зохистой хуваарилалтын тогтолцоог бий болгоно.
3. Эрүүл мэндийн технологийг хөгжүүлэхэд шаардагдах санхүүжилтийг олон улсын төсөл, хөтөлбөртэй уялдуулан зохицуулна.
4. Ашиглаж буй эмнэлгийн техник, тоног төхөөрөмжийн урсгал засвар, үйлчилгээ, сэлбэг материалын зардлыг төсвийн болон бусад хөрөнгийн эх үүсвэрээс бүрдүүлэх эрхзүйн орчинг бүрдүүлнэ.
5. Эрүүл мэндийн технологийн үнэлгээ, нэвтрүүлэх технологи, технологийн хангамж, дэмжих үйлчилгээ, технологийн сургалт, судалгааг жил бүрийн улсын болон орон нутгийн төсвөөс санхүүжүүлнэ.

### **Найм. Улсын ба хувийн хэвшлийн түншлэл**

1. Хөрөнгө оруулалтын үр ашгийг дээшлүүлэх зорилгоор улсын болон хувийн түншлэлийн хэлбэрийг хөхиулэн дэмжинэ.
2. Өндөр өртөгтэй эмчилгээ, оношилгооны технологи, арга, аргачлалыгг нэвтрүүлэхэд төр, хувийн хэвшлийн түншлэлийг дэмжих замаар шийдвэрлэнэ.

### **Ес. Судалгаа, шинжилгээ**

1. Судалгаа, шинжилгээ, мэдээллийн ажилд дэмжлэг үзүүлэн, технологийн үр ашиг, өртөг болон эрүүл мэндэд үзүүлэх нөлөөний талаархи нотолгоонд суурилсан шийдвэр гаргах, эрүүл мэндийн үр дүнтэй, үр ашигтай арга, аргачлал, технологийг нэвтрүүлэхийг дэмжинэ.
2. Эрүүл мэндийн технологийн тулгамдсан асуудлаар судалгаа хийж, бодлого тодорхойлоход шаардагдах нотолгоогоор хангана.
3. Эрүүл мэндийн технологийн хөгжлийн чиг хандлага, шинэ технологийн мэдээллийг судалж нэгтгэн салбарыг мэдээллээр хангах, гадаад, дотоодын мэргэжлийн байгууллагатай хамтын ажиллааг өргөжүүлнэ.

### **Арав. Мэдээллийн технологи**

1. Эрүүл мэндийн технологийн удирдлага зохион байгуулалт, шийдвэр гаргах түвшинд ашиглах эрүүл мэндийн технологийн мэдээллийн сан, нэгдсэн сүлжээг бий болно.
2. Эрүүл мэндийн мэдээллийн сан, нэгдсэн сүлжээ, алсын зайн оношилгоо, эмчилгээ, зөвлөгөө, сургалт зэрэгт мэдээллийн технологийг өргөн нэвтрүүлнэ.
3. Мэдээлэл, харилцаа, био, нано, роботикс, сансрын зэрэг шинэ технологийг эрүүл мэндийн салбарт эрчимтэй хөгжүүлэх бодлого баримтална.